



## Universitätsbibliothek Paderborn

### V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Tractatus De Negotiationis  
Spiritualis Industriis

**Družbicki, Kaspar**

**Ingolstadii, 1732**

**VD18 90066367**

Industria XIX. In Operibus nostris nosmet ipsos sacrificare debemus Deo.

**urn:nbn:de:hbz:466:1-45372**

tantum actionibus, sed etiam intentionibus actionum. Ut, si facturus sim pro defuncto aliquo; possum praemittere votum, non tantum de faciendo Sacro, sed etiam de faciendo pro defuncto. Item si velim subire afflictionem aliquam, ad gustum Dei voluntatis, ad me in conspectu Dei vilificandum, Deum vero exaltandum, ad hoc vel illud impetrandum, ad pro hoc vel illo satisfacendum; omnia ista voti obligatione exornare possum absque ullo periculo, magno cum lucro.

Addo præterea aliud: Vota modo jam explicato fieri à nobis posse, non tantum de operibus faciendis; sed etiam de non faciendis: maximè sensualibus & commoditativis, aut certè quibus cunque non obligatoriis, hinc & nunc sub tali vel tali conditione. Sic v. g. si quis stimuletur ad dicens aliqua alicui, ad videnda vel audienda nova, curiosa, ad utendum hac vel illâ commoditate, potest commodissimè, & utilissimè, interdicere sibi illis dicendis, videndis, audiendis, utendis, ad aliquantulum tempus, unius Ave Maria &c. idque ex voto seu per votum.

Denique addo: per hæc vota non solùm immediate Deum honorari posse sed etiam Sanctos ejus; ut si v. g. voveamus id vel id facere in honorem Sancti alicujus vel Sanctorum.

## INDUSTRIA XIX.

*In operibus nostris, nosmet ipsos sacrificare debemus D EO.*

**A**D augendum valorem operum nostrorum, valet etiam plurimum Sacrificatio nostri in operibus nostris, vel ipsorum Operum no-

stro.

strorum Deo in Sacrificium oblatio. Est enim  
hoc certum inter Spirituales Magistros, & etiam  
in Sacris Literis expressum habemus, quod servi  
DEI, sint quodammodo spirituales ac Mystici  
Sacerdotes, qui operibus suis bonis ac sanctis, ju-  
ges hostias DEO offerunt, tot victimas ejus ho-  
nori immolantes, quot opera bona perpetrant,  
quot dura & aspera pro ejus amore tolerant. Sic  
anim monentur omnes fideles, ut sciant se esse,  
& re ipsa atque executione sint, Sacerdotium  
Sanctum, offerre Spirituales hostias, acceptabi-  
les Deo per JESUM Christum. Docetque adeo <sup>1. Pet. 2. v. 2.</sup>  
D. Thomas alicubi, ipsum Sanctissimum Missæ  
Sacrificium, alioqui naturâ suâ DEO gratissimum;  
quatenus tamén à nobis offertur, nisi ita offera-  
tur, ut & nos simul in eo interiorâ oblatione im-  
molemur, gratum DEO non futurum; quanto  
id magis de aliis nostris operibus credendum erit?  
quaæ nisi ex interiori nostrâ devotione gratiam ha-  
buerint, alio nullo ex capite eam habitura sunt.  
Debemus ergo id curare, ut si opera nostra mul-  
tim valere apud DEUM volumus; sic ea face-  
re laboremus, ut in eis nos ipsos Deo in Sacrifi-  
cium immolemus. Sed hic queritur, quid si tan-  
tem & quomodo perfici possit hæc oblatio, atque  
deo Sacrificatio nostri in operibus? Quia de reni-  
brevius, nihil verius dicere possum, quam hoc;  
id negotium solius Amoris sive Caritatis esse. Ipsa  
enim, quaæ nos Sacerdotes, quaæ altaria, quaæ  
hostias; quaæ immolationem ipsam, & immolari  
facit. Ipsa est enim, quaæ & Deum significat su-  
per omnia, & nos annihilat propter Deum, &  
cum Deo, & in Deo, perdendo nos, & mori  
quodammodo morte spirituali, nobis scilicet ipsis,

132. *Industriae Negotiationis*

& amori nostro proprio, faciendo: (quæ duò ad rationem sacrificii requiruntur, ut nempe res aliqua creata perdatur in honorem Dei tanquam supremi principis &c.) Caritas ergo nos sacrificat, Caritas immolat, sed Caritas illa, quæ hoc estre, quod præfert nomine. Caritas perfecta, Caritas, quâ nemo sibi vivit, sed vivit Deo. Cùm ergo quæritur, quid sit, in operibus nostris Sacrificium fieri; respondeo, opera ex amore facere, in amore, cum amore, propter amorem Dei solius & unius, sine ullo amore nostri, sine ullo commodo nostro, quatenus nostrum est, hâc enim operandi ratione, fit ut anima vel potius totus homo perdat se, moriaturque sibi, & moriatur in honorem & cultum exaltationemque solius Dei.

## 136.

Hoc igitur suadeo viris Spiritualibus omnibus, ut in omni opere suo, amore, immopuritatem amoris sectentur, Deo que sese charitate immolent, & quidquid tandem sive agunt, sive patiuntur, id totum faciant, ut illi quidem annihilentur, Deus verò glorificetur; illi pereant, Deus sit, sibi pereant, Deo sint, & existant, & vivant. Itaque hoc speciatim advertant, in suâ Caritate, ut sit sacrificativa requiri, ut nempe sit ab omni humano (quâ humanum est) commodo spirituali ac temporali defæcata & depurata, & quam longissimè semota, unique soli placere Deo cupiat in opere, idque quam maximè, idque quia Deus dignus est, & debentur ei omnia, & ipse placet super omnia, & homini debetur nihil, præter solum nihil. *Vide supra Indust. 4.*

2. I.

Hac

Hæc nostri ipsorum Sacrificatio, in omnibus quidem, (ut dictum est,) operibus nostris curanda est, at præcipue locum habere debet in Sanctissimo Missæ Sacrificio, ut dum Sacratissimam illam hostiam, æterno Deo, vivo, & vero immolamus, nos etiam ipsos, tum holocaustum facientes, illi divinæ hostiæ adjungamus, & nos etiam per illam sanctificemus ac dignificemus. Debet etiam habere locum hæc nostri immolatio, in Oratione ad Deum, in operibus zeli animalium, & denique in omni opere spirituali, in quo periculum subesse possit homini, ne seipsum querat, sibive complaceat, & vanitate gloriæ humanae seu creatæ titilletur, & coram se ipso pretiosior appareat, sibique ipsi aliquid esse videatur, cum nihil sit.

Huic sacrificandi nos per opera nostra exercitio, maximum pondus atque premium addit sanguis, merita, Gratia IESu Christi : per hunc enim mediatorem, atque summum Sacerdotem, spirituales nostræ hostiæ efficiuntur Deo acceptabiles, juxta verba S. Petri superius citata. Quare, ad valorem omnem operum nostrorum, eti sat̄ sit, ea uniri Christo Domino, per hoc, quod nos, qui ea operamur, sumus in Gratia habituali ; tamen longè plus efficaciaz̄ habet, si etiam particulatim & in specie, & ipso, ut sic loquar, actuali exercitio, uniantur meritis Christi: de quâ unione, jam suprà s̄epius actum

Ind. 12. 17.

Ind. 13. 71.